



2. juni 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Naalakkersuisut qanoq iliuuseqarnissaminnik pilersaaruteqarpat inuusuttunut Nuummi ilinniagaqartunut, Nuummi innuttaasut meeraattut Nuummi kollegiani inissiamik tunineqarsinnaanngitsunut – ilimasuutigalugu angajoqqaajusut angerlarsimaffimminni najugaqatigisinnaagaat?

(Inatsisartunut ilaasortaq Lars Poulsen, Siumut)

Tunngavilersuut:

Piffissami sivilisuumi ileqqoralugu atorineqarpoq, Nuummi inuusuttut najugaqartut illoqarfigisaminni ilinniagaqarnerminnut atatillugu kollegiani najugaqarnissamut periarfissaqartinneqartannginnerat, tassami ilimasuutigineqartarmat angajoqqaavisa angerlarsimaffimminni najugaqartissinnaasagaat. Ileqquliunneqarsimasoq tamanna kinguneqarsimasassaaq, Nuummi najugaqartut inuusuttuaqqat sineriammi peqatiminnut sanilliullugit inissisimanerlunnerusarnerannik, sineriamiit ilinniariartut angajoqqaavisa illussatigut inissisimanerat apeqqutaatinngalu kollegiani inissaqartinneqartarmata.

Pissutsit tamakku apeqqusissallugit pissusissamisoorpoq, naleqquttumik aamma innuttaasunik naligiissumik pinnittoqarneris apeqquuserneqarsinnaammat. Kollegiani najugaqarneq inissaqartitaanissamut tunngassuteqaannarani – aamma inuusuttut inersimasunngornissaminnut, nammineersinnaalernissaminnut akisussaaffimmillu tigusinissaminnut ineriartornissaanut pingaaruteqarpoq. Nuummi inuusuttut angerlarsimaffimmi teknikikkut najugaqarsinnaanerat tunngavigalugu kollegiani najugaqalersinnaanngikkaangata, namminiussuseqarnissamut ineriartornissaralu kinguarsarneqarsinnaavoq. Taassuma saniatigut misigisimalersitsisinnaavoq inuusuttut assigiinngisillugit pineqartartut, angajoqqaavi sumi najugaqarneris apeqqutaatillugu.

Taamaattumik paaserusunneqarpoq Naalakkersuisut qanoq inissisimanersut, aamma suliniuteqarnissamut pilersaaruteqarneris, inuusuttunut tamarmik kollegiani najugaqarnissamut



naligiimmik periarfissaqarnissat qulakkeerumallugu – Nuummi inuusuttut najugaqartut ilanngullugit.

Apeqqutigineqartut ullut suliffiusut qulit iluanni akeqquneqarput.